



Dhibeeffwan fangasii biqiltuu bunaa – kunuunsa bunaa irratti dhiibbaa qaban

Buna oomishuun jireenya qonnaan bultoota kibba-lixaa Itoophiyaatiif baay'ee barbaachisaadha. Haata'u malee, oomishummaan bunaa dhibeeffwan bunaa naannoo kana keessatti beekaman afuriin rakkina guddaa keessa galaa jira. Isaanis, dhibee ija bunaa (kan qoteebulaan koleeraa bunaa jechuun beeku), dhibee baala bunaa (waagii bunaa), dhibee jirma bunaa gogsuu fi dhibee hundee bunaa tortorsu (Armilaariyaa) fa'a. Dhibeeffwan adda addaa kun bakka olka'iinsi lafaa fi hedduminni gaaddisa bunaa adda addaa ta'e irratti rakkina guddaa geessisu. Kanaafuu, kunuunsa dhibeeffwan bunaa afran kana hundaa xiqqeessuu danda'u bakka tokkotti gochuuf yaaluun hin danda'amu. Gosa bunaa kan dhibee ija bunaa dandamatu fayyadamuun ni mala ta'a. Haata'u malee, kun immoo heddummina qabeenya jenetikii bunaa xiqqeessuu danda'a. Fangasii adii kan fangasii keelloo dhibee baala bunaa fidu nyaatu (haayparpaarasaayitii) fi dhibee baala bunaa xiqqeessuu danda'u argannee jirra. Fangasii adii kana fayyadamuun dhibee baala bunaa ittisuun barbaachisaadha. Itti dabalataanis haala tamsa'ina dhibee goksaa bunaa fi Armilaariyaa irratti akkasumas haala kamiin tamsa'ina isaanii ittisuun akka danda'amu ilaalchisee qaama ilaallatuuf hubannoo ga'aa kennuun barbaachisaadha.

Kunuunsa bunaa kibba-lixaa Itoophiyaatti

Kibba-lixaa Itoophiyaatti binni bosona uumamaa kan gaaddisni isaanii heddummate jalatti kan guddatu yoo ta'u haala ammayya'atiin immoo gaaddisa xiqqaa fi wal-irraa fagaatan (rukkina gad-aanaa qaban) jalattis ni oomishama (Fakkii 1^{ffaa}). Haata'u malee, kunuunsi bunaa kan naannoo kanatti baay'inaan argamu kan qoteebulaa xixiqqaa biratti mul'atudha. Kunis, qonnaan bultoonni naannoo kanaa yeroo dheeraa keessa bosona isaan cinaa jiru gaaddisa isaa xiqqeessaa biqiltuu bunaa keessa dhaabuun kan fayyadamaniidha. Kan biraa immoo kan buna kibba-lixaa Itoophiyaa adda godhu iddoo hedduminni gosa bunaa (jenetikiin buna arabikaa) itti heddummatu ta'uu isaati. Kuni immoo akkuma addunyaattuu qabeenya baay'ee boonsaa fi barbaachisaa ta'e dha. Dhibeeffwan fangasii kan qaama bunaa adda addaa miidhan gufuuwwan qoteebulaa naannoo kanaa isa guddaadha (Fakkii 2^{ffaa}). Gama qoteebulaatiin fedhiin akkamiinan dhiibbaa dhibeeffwan bunaa xiqqeessaa oomisha ga'aa fi bu'aa gaarii argadha kan jedhu jira. Haata'u malee, kunuunsa bunaa cimsuun immoo heddummina qabeenya jenetikii bunaa naannoo kanaa miidhuu danda'a. Akkasumas dhiibbaa gaarii binni gaaddisa jalatti guddatu heddummina lubbu-qabeeyyii naannoo sanaaf qabu xiqqeessuu danda'a.

Dhibeeffwan fangasii bunaa afran

Dhibeeffwan fangasii afran kun bakka adda addaatti miidhaa akkamii buna irratti akka geessisan naannoo binni itti oomishamu maasaa 60 keessatti waggoota muraasaaf qoranne. Bakki qorannoo keenyaa kuni naannoo binni heddummiinaan itti argamuu ta'ee iddoowwan binni kunuunsa adda addaatiin oomishaman keessaa filatame. Maasaawwan bunaa kun hundumtuu naannoo Oromiyaa, Godina Jimmaa, aanaa Gommaa fi Geeraa keessatti argaman. Dabalataanis, fangasii fangasii biraa nyaatee heddummina isaa xiqqeessuu danda'us qoo'anneerra. Maasaa bunaa qorannoo kanaaf filataman hunda keessatti lakkoofsa muka bunaa fi olka'iinsa lafaa safarree jirra, baala bunaa funaanee garaagarummaan jenetikii bunaa kan ooyiruu bunaa adda addaa maal akka fakkaatu hubannoo argannee jirra.

Maal argannee?



Dhibee baala bunaa naannoo binni kunuunsa guddaa argatuu fi olka'iinsi lafaa toora 1500 m ta'utti heddummiinaan arganne. Gara biraatiin immoo dhibee ija bunaa iddoo kunuunsi bunaa itti xiqqaatu fi olka'iinsi lafaa guddatutti (~2000 m) danatee arganne (Fakkii 3^{ffaa}).



Garaagarummaa kunuunsa bunaa

Fakkii 1. Garaagarummaa buna bosona uumamaa hanga buna haala ammayya'aan kunuunfamuu

Gooksaan jirma bunaa fi Armilaariyaan naannoo olka'iinsi lafaa itti guddatutti danatan. Dhibeen goksaa bunaa iddoo bunni kunuunsa xiqqaan guddatutti kan baay'atu yoo ta'u Armilaariyaan immoo toora kunuunsi bunaa itti danatutti heddummata. Kanaafuu dhibeewwan gosa gara garaa iddoo adda addaatti rakkina guddaa geessisu. Garaagarummaan heddummina dhibeewwanii garaagarummaa jenetikii bunaa ooyiruuwwan bunaa garaagaraa giddu jiruun hanga ta'e ibsameera. Gara biraatiin, bunni tokko tokko dhibeewwan gosa tokko isa kaan caalaa dandamatu jechuudha. Argannoon keenya dhibeewwan baala bunaa fi fangasiin isa nyaatu (haayparparaasaayitiin) naannoo qilleensa adda addaa qabu akka jaalatan mul'isa (Fakkii 2^{ffaa}). Haayparparaasaayitiin bakka gaaddisa danatu fi lafa olka'iinsi isaa guddaa ta'e jaalata. Kan nama ajaa'ibsiisu immoo toora haayparparaasaayitiin itti danatutti dhibeen baala bunaa xiqqaata ta'uu isaati (Fakkii 3^{ffaa} b).



Fakkii 3^{ffaa}: a) Olka'iinsi lafaa yoo dabaluu dhibeen baala bunaa ni xiqqaata, dhibeen ija bunaa ni danata. b) Guddinni fangasii baala bunaa yeroo bonaa gara gannaatti (gogiinsaa gara roobaatti) ce'u iddoo haayparparaasaayitii baay'een argametti ni xiqqaata.

Fakkii 2^{ffaa}. Dhibeewwan bunaa Arabikaa irratti balaa guddaa geessisan afran: a) Dhibee baala bunaa (keelloo) fi fangasii isa nyaatu, haayparparaasaayitii (adii), b) Dhibee ija bunaa (kan qotee-bulaan kooleeraa bunaa jechuun beeku), c) Goksaa jirma bunaa fi d) dhibee hundee bunaa tortorsu, Armilaariyaa.

Goolaba, yaada gorsaa fi gaaffilee deebii hin arganne

Dhibeewwan fangasii garaagaraa iddoowwan qilleensa adda addaa qaban waan barbaadaniif qotee-bulaan bunaa oomishu dhibee rakkina guddaa geessisuu danda'u irratti xiyyeeffachuu qaba. Haata'u malee kunuunsi dhibee tokkoof akka furmaataatti godhamu dhibee kan biraatiif saaxiluu ykn haala mijeesuu akka danda'u hubachuun barbaachisaadha. Dhiibbaa gaarii haayparparaasaayitiin fangasii baala bunaa irratti qabu hanga ta'e tokko kan barre yoo ta'u gadi-fageenyaan xinxaluu akka barbaachisu hubanne jirra. Naannoon kun faayidaa biraatis ni qaba. Bakka bunni uumamaa itti argamuu fi naannoo jenetikiin bunaa Arabikaa heddumminaan itti argamu akkasumas bakka heddummini lubbu-qabeeyyii (biqiltootaa fi bineeldotaa) itti danatu dha. Kanaafuu, haayparparaasaayitii arganne kana malees gosti biraa kan uumamaan too'annoo dhibeewwanii fi ilbiisota adda addaatiif kan tajaajilan naannoo kanatti argamuu malu. Kuni immoo waan gadi-fageenyaan qorachuun barbaachisu dha. Gosa bunaa kan dhibee ija bunaa dandamatu fayyadamuun barbaachisaa yoo ta'u, dhiibbaan hin barbaachifne kan kanaan walqabatee dhufuu danda'u qotee-bulaan yoo bunaa bosonaa gosa bunaa kan dhibee dandamatan kanaan jijjiire (bakka buuse) qabeenyi jenetikiin bunaa uumamaa naannoo kanatti xiqqaachaa deemuu danda'u isaati.

Piroojektiin qorannoo kanaa “Buna kunuunsi jiruu qotee-bulootaa kibba-lixaa Itoophiyaa fi heddummina lubbu-qabeeyyii guddisuuf” fi “Lafa bunaa qonnaan bulootaa xixiqqoo Itoophiyaa haala itti fufiinsa qabuun jijjiirama qilleensatti madaqsuu” kan jedhu fi dhaabbata Sweden VR/SIDA jedhamuun kan deeggarama yoo ta'u piroojektii kana kan hoogganan Kristoffer Hylander Kristoffer.hylander@su.se, Ayco Tack ayco.tack@su.se, Bayyaanaa Zawudee beyu2009@gmail.com fi Buruuq Ayyaaleewu biruk.avalew2@gmail.com fa'a. Odeeffannoo dabalataaf www.su.se/deep dubbisaa.

